

ascende a 184.528,14 euros e ten carácter limitativo, non se poderá superar en ningún caso.

4. Duración do contrato: o prazo de execución do contrato será de nove meses (36 semanas) contadas desde o día seguinte á sinatura da acta de comprobación de implantación e concluirá antes do 1 de xaneiro de 2011.

5. Clasificación: grupo C, subgrupo 2 e categoría E.

6. Tramitación: urxente. Procedemento: aberto.

7. Garantía provisional: non se exige, de acordo co sinalado no artigo 91 da LCSP.

8. Garantía definitiva: o empresario que resulte adxudicatario provisional deberá constituír unha garantía dun 5% do importe da adxudicación, excluído o IVE.

9. Obtención da información e documentación: na Secretaría do Concello de Bueu. Rúa Eduardo Vicenti 8, 36930 Bueu (Pontevedra). Teléfono: 986 39 00 29, telefax: 986 32 20 99 e no perfil do contratante do concello (<http://www.concellodebueu.org>).

10. Lugar e prazo de presentación: conforme o establecido na cláusula 12 do prego.

11. Gastos de anuncios: por conta do adxudicatario.

Bueu, 18 de febreiro de 2010.

Félix Juncal Novas
Alcalde

CONCELLO DO CORGO

Edicto.

De conformidade co establecido no artigo 8 do Decreto autonómico 133/2008, do 12 de xuño, polo que se regula a avaliación da incidencia ambiental, sométense a información pública os seguintes proxectos técnicos:

Titular: *Torre de Núñez Conturiz, S.L.*

Actividade: planta de corte en lascas de embutidos.

Actividade: secadoiro de xamóns.

Localización: parque empresarial do Corgo, parcela nº 21, O Corgo, Lugo.

Aquelas persoas que se consideren interesadas poderán examinar os expedientes nas dependencias municipais, en horario de oficina, durante un prazo de 20 días hábiles contados desde o seguinte á derradeira publicación deste anuncio, que se realizará nos seguintes medios: BOP de Lugo, DOG e taboleiro de anuncios.

O Corgo, 2 de febreiro de 2010.

José Antonio Ferreiro González
Alcalde

CONCELLO DA ESTRADA

Edicto.

Leal & Soares España, S.L., solicitou desta Alcaldía licenza municipal para a actividade de obra nova e legalización de industria dedicada a produtos forestais, que se instalará en Santa Baia, s/n-Matalobos cumprindo o disposto no artigo 8.3º do Decreto 133/2008, do 12 de xuño, no cal se regula a avaliación de incidencia ambiental, sométese a información pública por período de vinte días hábiles, co fin de que durante este período -que comezará a computarse desde o día seguinte ao da última inserción deste edicto no BOP e no DOG- poidan examinar o expediente, no Departamento Municipal de Urbanismo, as persoas que dalgún xeito se consideren afectadas pola actividade que se pretende instalar e formalar por escrito as reclamacións ou observacións que estimen oportunas.

A Estrada, 1 de febreiro de 2010.

José Antonio Dono López
Alcalde-presidente

CONCELLO DA PASTORIZA

Anuncio de licitación en expediente de alleamento de bens inmobles.

A Xunta de Goberno Local, en sesión do 26 de xaneiro de 2010, aprobou o prego de cláusulas económico-administrativas para o alleamento, por procedemento aberto e criterio único, de catro predios rústicos, de propiedade municipal.

Por medio deste anuncio dáse a coñecer a licitación conforme as seguintes características:

1. Entidade adxudicadora: Concello da Pastoriza.

2. Obxecto do contrato: a venda de forma individualizada, de catro (4) predios rústicos de propiedade municipal, dúas masas comúns da zona de concentración parcelaria de Fomiñá e dúas masas comúns da zona de concentración parcelaria de Pousada.

3. Tramitación: procedemento aberto mediante o criterio único do prezo.

4. Orzamento base de licitación: o prezo de taxación fixado para cada unha delas, segundo valoración pericial, que será mellorable á alza polos licitadores.

Lote 1: predios da zona de concentración parcelaria de Fomiñá.

Nº orde	Polígono predio	Superficie	Prezo de taxación
1	1-165	1 hectárea, 9 áreas e 70 centiáreas	3.500 €
2	1-170	76 áreas e 70 centiáreas	5.000 €

Lote 2: predios da zona de concentración parcelaria de Pousada.

Nº orde	Polígono predio	Superficie	Prezo de taxación
1	2-78	11 áreas e 50 centiáreas	1.500 €
2	2-84	14 áreas e 60 centiáreas	2.000 €

5. Garantías. Provisoria: 3% do valor do ben. Definitiva: 5% do prezo de adxudicación.

6. Obtención de información e documentación: Concello da Pastoriza, secretaría; praza de Galicia, número 1, 27287 A Pastoriza; teléfono: 982 33 21 97; fax: 982 33 22 33 e páxina web do concello: www.apastoriza.com/servizos/tramites. Ata o día anterior hábil a aquel en que finalice o prazo de presentación de proposicións.

7. Requisitos específicos do contratista: os indicados no prego de cláusulas económico-administrativas particulares.

8. Presentación das ofertas:

a) Data límite de presentación: quince (15) días naturais contados desde o seguinte ao da publicación do anuncio de licitación no BOP de Lugo e no *Diario Oficial de Galicia*, tomando como día para o inicio do prazo o seguinte ao da última publicación. Se coincidise sábado ou festivo o prazo finalizará o seguinte día hábil.

b) Documentación que hai que presentar: a sinalada para o efecto na cláusula 9 do prego de cláusulas económico-administrativas particulares.

c) Lugar de presentación: Concello da Pastoriza (registro xeral) das 10.00 ás 14.00 horas. Prazo de Galicia, número 1, A Pastoriza, 27287.

9. Apertura das ofertas: no salón de sesións da Casa do Concello, ás doce horas do quinto día hábil seguinte ao de finalización do prazo de presentación das proposicións, agás se coincidise sábado, nese caso, trasladarase ao día hábil seguinte.

10. Gastos de anuncios: por conta do adxudicatario.

A Pastoriza, 1 de febreiro de 2010.

Primitivo Iglesias Sierra
Alcalde

CONCELLO DO PORRIÑO

Anuncio.

No BOP de Pontevedra, nº 28, do 11 de febreiro de 2010, publicáronse as bases e a convocatoria de

selección para a urxente selección e nomeamento funcional interino, ao abeiro do artigo 10.1º c) da Lei 7/2007, do 12 de abril, do Estatuto básico de empregado público dun/dunha médico/a especialista en psiquiatría ou, no seu defecto, dun médico/a con formación teórico-práctica en saúde mental, para o desenvolvemento do Plan autonómico sobre drogodependencias, na Unidade Asistencial de Drogodependencias do Porriño (UAD).

Por este anuncio, convócase o concurso-oposición para a citada selección e nomeamento indicando que o prazo de presentación de solicitudes será de 10 días contados a partir do día seguinte ao da publicación deste anuncio.

O Porriño, 12 de febreiro de 2010.

José Nelson Santos Argibay
Alcalde

CONCELLO DE REDONDELA

Anuncio de licitación.

Publicado anuncio de licitación neste diario oficial nº 34, do 19 de febreiro, para contratar o servizo técnico de asistencia letrada en procedementos xudiciais do Concello de Redondela.

Modificados por resolución da Alcaldía con data de hoxe os pregos de cláusulas administrativas particulares e de prescricións técnicas que rexerán na licitación, faise público que se procede á modificación das cláusulas 8ª, 9ª e 14ª dos ditos pregos que están publicados na páxina web do concello, na sección do perfil do contratante.

Páxina web para a obtención de información: www.redondela.es.

Redondela, 19 de febreiro de 2010.

Xaime Rei Barreiro
Alcalde

CONCELLO DE SANXENXO

Anuncio.

Resolución do 3 de febreiro de 2010 do Concello de Sanxenxo.

Provincia: Pontevedra.

Corporación: Concello de Sanxenxo.